

## **Naqqiut**

Oqaaseqaatit 24. februar 2016-imeersut taarserneqarput

(Siunnersuut inatsimmut atuuttumut ataatsimoorussami skiimami naqqiissuteqartoqarpoq)

### **Inatsisissatut siunnersuummut nassuaatit**

#### **Nalinginnaasumik nassuaatit**

##### **1. Aallaqqasiut**

Siunnersuutip tunngavigaa Inatsisartut suliassaqarfimmi tassani inatsisaata, tassa inuussutissarsiuteqarnermik ilinniarfinnut sinaakkusiisup, atulernerata kingorna siunertamut naapertuttoqannginnerata paasineqarnerata kingorna pisariaqartinneqalersimammatt allannguisoqarnissaa.

Siunnersuummi ilaatigut anguniarneqarpoq inuussutissarsiutinik ilinniarfinnut inatsiseqartitsinikkut ersarissumik inatsisitigut tunngavissinnissaat Kalaallit Nunaanni inuussutissarsiutitigut qitiusumillu ilinniarfiit tigusinnaasaat ilinniartitsissutigisinnaasaallu atuarluarnerunissaat anguniarlugu, taamaalilluni ilinniarfiit inuussutissarsiutitigut ilinniarnernut atatillugu Akuerisaasumik inuussutissalerinertermik sammiveqartumik ilinniartitsinermut aamma tassunga misilitsinnerit ingerlannerannut suliarinnittussarsiuussinnaassallugit. Tassunga atatillugu oqaatigineqassaaq ilinniarfiit namminneq ujartuinerisigut suliniutaammata.

Assinganik siunnersuummi paasiniarneqarpoq inuussutissarsiutinik qitiusumillu ilinniarfiit ingerlariaqqiffiusut ilaat Kalaallit Nunaanni ilinniarfinnit allanik neqeroorutaannngitsut neqeroorutiginissaannut inatsisitigut tunngaviit suunersut qulaajassallugit.

Taakku saniatigut siunnersuummi anguniarneqarpoq ersarissarneqassasoq ilinniarfimmi sungiusarluni sulineq suliffeqarfimmit sungiusarluni sulinermit inuussutissarsiutitigut ilinniarfinni pingaaruteqarluinnartumit sussaqannginnermut taartaassammatt. Ilinniartup sungiusarluni sullivissatut innersuunneqartup sungiusarfigisinnaanngisaanik kinguneqartumik ilinniartup pisuussutiginngisaanik inuttut immikkorluinnaq atugaqartoqarpat immikkut akuersissuteqarnissamut tassunga peqatigitillugu periarfissaqarpoq.

Siunnersuummi aamma siunertarineqarpoq ikorfartuissalluni inuussutissarsiutinik ilinniarfiit qullersai qaqqugukkulluunniit ilinniarfiit tigusisussaaneersuunissaat, tassani siunertarineqarlnuni piginnaasanik paasisimasaqarnissaat pillugu qulakkeerneqarnissaat, ilinniarfiit ataasiakkaanut naapertorlugit sulisussarsiortut naapertorlugit. Tassannga uiggullugu siulersuisut issiasut siulersuisuujunnaanginnerminni piffissaagallartillugu kattuffinni sorlernit siulersuisunut ilaasortangortitsissanersut ilisimatitsissapput, soorluttaaq siulersuisut qanoq amerlatigissanersut ilisimatitsissummi allaqqassalluni. Naalakkersuisut siunnersuut

naapertorlugu ilisimatitsissut tamassuma kingorna oqaaseeqaaateqarfingisinnavaat .

Siulersuisut kissaataat qitiusumik ilinniarfiup malittarisassaasa allanngortinneqarnissaannik pisariaqartitsinermik kinguneqassappata, siulersuisut atuuffiisa naanissaa kingusinnerpaamik qaammatit arfinillit sioqqullugit tamanna pillugu siunnersummik akuerineqartussanngorlugu Naalakkersuisunut nassitsissapput.

Siunnersuutikkut aamma anguniarneqarpoq lærlingeqarnermi isumaqatigiissummi imaluunniit ilinniarnermi isumaqatigiissummi sungiusarluni sulinerit tamakkerlugit allanneqarsinnaanngikkaangata qanoq iliortoqartarnissaa. Pingaartumik qitiusumik ilinniarfiusinnaapput aalajangersimasumik sivisussusilimmik ilinniarfiullutik, ilinniartup suliffimmi sungiusarfissaqanngippat ilinniarfimmi sulilluni sungiusarnissaanut ilinniarfiup qulakkeerneqarsinnaalluni.

Siunnersuummi aamma siunertarineqarpoq ilinniartut atuarfimmi sulinermik sungiusartut lærlingeqarnermk isumaqatigiissummut ilaatinneqannngitsut tamanna ilinniarnerannut sumut killinnersut paassisallugu.

Taakku saniatigut malittarisassaq peerneqarusuttoq tassaavoq inuit aalajangersimasumik qaffasissusilimmik ilinniarsimasut ilinniarnertik piinnarlugu inuussutissarsiutinik ilinniakkami iluanni pikkorissarnissamut atatillugu angalanerminnut unnuinermullu matussusiissutaasussaasunik tapiiffigineqarsinnaannginnerisa atorunnaarsinnissaa. Tamanna peqquteqarpoq nalilerneqarmat aalajangersagaq atuuttoq inunnut suliassaqarfimminni pikkorissaqqikkusuttunut pisariaqanngitsumik aporfilersuisuusoq. Malittarisassaq atuuttoq inunnut assersuutigalugu sivisuumik ingerliaqqiffiusumik ilinniarsimasunut inuussutissarsiummullu allamut inuussutissarsiornermk ilinniartitaanerup iluanut nuussimasumut siullertut ajornartorsiutaavoq.

Naggataagulli inatsisisstatut siunnersuut Oqaatsinik Pikkorissarfik pillugu Inatsisartut inatsisaannik atorunnaarsitsinermut aalajangersakkamik ilaqpaoq. Peqquaasoq tassaavoq Oqaatsinik Pikkorissarfik maanna pikkorissartarfittut taamaallaat atuummat, qitiusumik allaffeqarfiup ataaniilluni, tamanna aamma inatsimmi ersersinneqarpoq. Apeqqut aamma Oqaatsinik Pikkorissarfip siulersuisuinit oqallisigineqarsimavooq, taakkulu atorunnaarnissaa inassutigisimallugu, tassami Oqaatsinik Pikkorissarfip ilinniarfittut taaguutaa suliassanillu isumaginninera immikkut tassunga inatsisiiliornikkut tunngavissiinngimmat.

## **2. Inatsisisstatut siunnersuummi immikkoortut pingarnerit marluk**

a) Inatsisit atuuttut

Inatsisit atuuttut tassaapput Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq, inatsisartut inatsisaatigut nr. 3, 4. juni 2012-imeersukkut allanngortinneqartoq.

Ilinniarfuit allat allanut suliakkiutigineqarsinnaaneri pillugit:

Inatsisip § 5-iani allaqqavoq Naalakkersuisut ilinniakkat nutaat pilersinnissaat akuerissagaat ilinniakkanillu atorunnaarsitsisinhaallutik. Aalajangersagarli taamaallaat inuussutissarsiutilerinermik ilinniarfinnut tunngavoq, tak. inatsimmi § 2 aamma Akuerisaasumik inuussutissalerinermik sammiveqartumik ilinniartitsinermut aamma tassunga misilitsinnerit ingerlannerannut tunnganani. Aalajangersagaq ilinniarfinnut ingerlariaqqiffiusunut tunnganngilaq.

Ilinniarfinni sungiusarluni sulisarnernut tunngasoq:

Ilinniarfimmi sungiusarluni sulinermut tunngatillugu inatsimmi § 25, imm. 2, oqaaseqatigiit pingajuanni allaqqavoq sungiusarluni sulinerup ilaa tamaalluunniit ilinniarfimmi ingerlanneqarsinnaasoq. Inatsimmili erseqqvivissumik allaqqanngilaq ilinniarfimmi sungiusarluni ilinniarneq suliffeqarfimmi sungiusarluni ilinniarnermut sussaqannginnermit taartaassasoq.

Siulersuisunut toqqaasarnermut tunngasoq:

Inatsimmi § 31, imm. 1-iani oqaaseqatigiinni siullerni allaqqavoq, qitiusumik ilinniarfiit pillugit tamarmik immikkut siulersuisunit 5-7-inik ilaasortalinnit aqtarineqassapput, taakkualu suliffissaqartitsinermi kattuffiit akornannit toqcarneqartassapput, malittarisassat ilinniarfiit ataasiakkaat ileqqoreeqqusiaani aalajangersarneqartut naapertorlugit.

Aalajangersagaq inatsimmi § 35, imm. 7-imut ataneqartinneqassaaq, tassani allaqqalluni Naalakkersuisut ilinniarfiit ataasiakkaat ileqqoreeqqusaat akuerissagaat, taanna siulersuisunit suliarineqassaaq inuutissarsiutnik ilinniartitsinermut naalakkersuisoqarfiup tamanut atuuttumik ileqqoreeqqusaliaa naapertorlugu.

Suli taamaalluni piumasaqaataavoq siulersuisunik toqqaanermi ilinniarfiit ataasiakkaat ileqqoreeqqusannik tunngaveqarpoq, taakkulu Naalakkersuisunit akuerineqartassapput. Tassani suleriaaseq piffissartornartoq pineqarpoq.

Ilinniartoqarneq pillugu isumaqatigiissusiortarneq:

Inatsimmi § 46, imm. 1 oqaaseqatigiinni siullerni allaqqavoq tunngaviusumik inuutissarsiummik ilinniagaq naammassineqassappat piumasaavoq, ilinniartup aamma suliffeqarfip ataatsip amerlanerilluunniit akornanni lærlingitut imaluunniit ilinniartinneqarnissamik isumaqatigiissuteqartoqarsimanissa. Aalajangersakkami tassani oqaaseqatigiit aappaanni allaqqavoq isumaqatigiisummut ilaassasut ilinniakkami sungiusarluni sulinissat ilinniarfimmittarnissallu tamarmik, tassunga ilanngullugit svendinngussalluni misilitsinnerujunnarnerit.

Aalajangersakkap kingunerisarpaa ilinniartoq ilinniakkaminik naammassinnissinnaanngitsoq, suliffeqarfik sungiusarluni suliffia oqarpat assersuutigalugu sungiusarluni sulinissaata affaannaanik neqerooruteqarsinnaalluni, naak qitiusumik ilinniarfiit kiisalu inuussutissarsiornermik ilinniarfiit oqartalaruartut sungiusarluni sulinerup sinnera atuarfimmi ingerlanneqarsinnaasoq.

Inuussutissarsiutinut ilinniarfinni ilinniarfiit ingerlariaqqiffiusut sivikinnerit  
Inatsimmi § 61, imm. 1, oqaaseqatigiit pingajuanni allaqqavoq sulisartunut  
ilinniagaqanngitsunut ilinniagaqarsimasunullu saaffiginnittuni, suliffissaaleqisut ilanngullugit,  
angananernut najugaqarnernullu aningaasartuutinut tapiissuteqartoqarsinnaasoq, angananernut  
unnuinernullu akissaatinut taperneqassagunik pikkorissarnerni taama ittuni peqataaneranni.  
Aalajangersagaq ilanngunneqarsimavoq eqqarsaatigineqarsimammat inuit  
ilinniarniarnermikkut taama inissismasut allatut isumagineqarsinnaaniassammata. Tamanna  
taamaassimanngitsoq malunnarsivoq inuussutissarsiutitigut ilinniarfinnut tunngasunik  
pikkorissartarnernut tunngatillugu.

Oqaatsinik Pikkorissarfik pillugu inatsimmik atorunnaarsitsineq

Inatsisit tunngaviusut tassaapput Oqaatsinik Pikkorissarfik pillugu Inatsisartut inatsisaat nr.  
14, 6. november 1997-imeersoq, aningaasanut inatsimmut 1997-imoortumut ataneqartillugu  
akuersissutigineqartoq. Tassunga atatillugu aalajangerneqarpoq oqaatsinik  
pikkorissarfeqalissasoq oqaatsinik ilinniarneq nukitorsarniarlugu.

Oqaatsinik Pikkorissarfik taakku saniatigut Oqaatsinik Pikkorissarfip siulersorneqarnera  
pillugu Namminersornerullutik Oqartussat nalunaarutaat nr. 5, 16. februar 1998-imeersukkut  
aalajangersarneqarpoq.

Inatsimmi qulequtaatigut takuneqarsinnaavoq kiisalu inatsimmut nassuaatini  
atuarneqarsinnaalluni oqaatsinik pikkorissarfusoq, oqaatsinik ilinniarfiunani. Nalunaarummi  
amma allaqqavoq siulersuisut nakkutigissagaat Oqaatsinik Pikkorissarfip ingerlatai  
anguniagassatut najoqqtassatullu aalajangersarsimasami iluanni ingerlanneqarnersut.

Inatsit atuttoq siunnerfittut inatsisiilornermilu sinaakkusiinertut isikkoqarpoq, tassani  
Oqaatsinik Pikkorissarfip sulinera siunertaalu aalajangersarneqarlutik, Naalakkersuisullu  
inuiaqatigiit pisariaqartitaat naapertorlugit ersarinnerusunik aalajangersaasinnaallutik.

b) Siunnersuut

Siunnersuut kingunerissavaa Naalakkersuisut akuersereernerisigut inuussutissarsiutinut  
ilinniarfinnut atatillugu ilinniarfiit inuussutissarsiutitigut ilinniarnernut atatillugu  
Akueraisaasumik inuussutissalerinermik sammiveqartumik ilinniartitsinermut aamma tassunga  
misilitsinnerit ingerlannerannut suliarinnittussarsiuussinnaassallugit. Taakku saniatigut  
qitiusumik inuussutissarsiutinillu ilinniarfiit Naalakkersuisut tassannga akuersereernerisigut  
ilinniakkat ingerlariaqqiffiusut Kalaallit Nunaanni ilinniarfinnit allanit neqeroorutaanngippata  
ilinniagarineqartunik neqerooruteqartitsisisinnaanissamut inatsimmik ikkussisoqassaaq.

Siunnersuummi ersarissarneqarpoq ilinniarfimmi sungiusrlni sulineq suliffeqarfimmit  
sungiusrlni sulinermiit inuussutissarsiutitigut ilinniarfinni pingaaruteqarluinnartumit  
sussaqannginnermut taartaassammat. Tamassuma kingunerissavaa ilinniartoq sungiusrlni

suliffissamik innersuunneqartumik itigartitsisoq atuarfimmi sungiusarluni sulisinnaannginnera. Soorlu aallaqqaasiinermi allaqqasoq malittarisassaq pingarneq immikkut akuersissuteqarsinnaanermik ilaneqarpoq. Tamassuma kingorna ilinniartup pisuussutiginngisaanik ilinniartup sungiusarluni sullivissatut innersuunneqartup sungiusarfigisinnaanngisaanik kinguneqartumik inuttut immikkorluinnaq atugaqartoqarpal malittarisassamut pingarnermut immikkut akuersissuteqartoqarsinnaavoq. Tassunga atallugu piumasaqaataavoq immikkut akuersineq tamanna pillugu inunnik isumaginnittooqarfimmit nalunaarutikkut taperserneqarnissaa.

Siunnersuutip aamma kingunerissavaa siulersuisunik toqqaasarmeq inuussutissarsiutinik ilinniarfiit ileqqoreequsaannik siunissami tunngaveqartassanngimmat, kisiannili Naalakkersuisunut tamanna sioqqullugu ilisimatitsisoqassalluni. Tassunga oqaatigineqassaaq kattuffiit attuumassutillit siulersuisuni ilaasortassanik suli toqqaasartussaammata.

Siunnersuutip kinguneraa Naalakkersuisut tamassuma kingorna ilisimatitsissummut oqaaseqaateqarsinnaanerat. Siulersuisut kissaataat qitiusumik ilinniarfiup malittarisassaasa allanngortinnejarnissaannik pisariaqartitsinermik kinguneqassappata, siulersuisut atuuffiisa naanissaa kingusinnerpaamik qaammatit arfinillit sioqqullugit tamanna pillugu siunnersummik akuerineqartussanngorlugu Naalakkersuisunut nassitsissapput

Aamma inatsimmik tunngavissiisoqarpoq Naalakkersuisut qitiusumik inuussutissarsiutinilluunniit ilinniarfinnit qinnuteqartoqareerneratigut lærlingeqarnermut imaluunniit ilinniarmissamut isumaqatigiissummik ilinniarnerup sungiusarluni sulinerit atuarfimmiittarnerillu malittarisassiuunneqarnissaanik piumasaqaammut immikkut saneqqutsinissamut.

Taakku saniatigut siunnersuutip ilagaa ilinniartunut ilinniarfinni atuarnissamik isumaqatigiisssuteqanngitsunut, matumanilinniarfinni sungiusarluni sulinissaq, sulisitsisumit akissarsiaqartinneqanngitsunut ilinniarnermusiaqarnissaannut tunngasut qulaajarerat.

Aamma siunnersuutigineqarpoq inatsimmi § 61, imm. 1, oqaaseqatigiit pingajuanni aalajangersagaq peqataasut annerpaamik inuutissarsiutinik ilinniartitsinermut tunngasut iluanni sivikinnerusumik ingerlaqqiffiusumik ilinniagaqarnissaannut tunngasoq atorunnaassasoq. Inunnut inuussutissarsiummi iluani ilinniakkaminut pikkorissarusuttunut pisariaqanngitsumik aporfissalersorneqarnerannik naliliinermik tunngaveqartinneqarpoq. Taamaallilluni inuit siornatigut sivisunerusumik ingerlariaqqiffiusumillu ilinniarnikunut inuussutissarsiummilu iluani qitiusumik ilinniarfimmut allamut kingorna nuunnikunut aalajangersakkat maanna atuuttut ajoquisiisarnerat siunnersuutikkut peerniarneqarpoq.

Siunnersuut naggataagut aamma oqaatigineqareersutut Oqaatsinik Pikkorissarfik pillugu Inatsisartut inatsisaannik atorunnaarsitsisussamik ilaqrpoq. Oqaatsinik Pikkorissarfik siulersorneqarnera pillugu Namminersornerullutik Oqartussat nalunaarutaat nr. 5, 16. februar

1998-imeersukkut Oqaatsinik Pikkorissarfik aalajangersarneqarpoq, taannalu peqatigalugu atorunnaassalluni.

Oqaatsinik Pikkorissarfip suliassai taamaalilluni Naalakkersuisunit siunissami tunniunneqartassapput, tassungalu ataneqartinneqassaaq pikkorissarfik Naalakkersuisut nalinginnaasumik ilitsersuiffigisartagaasa ataaniimmat. Aamma assinganik atuupput anguniagassat tunaartarisassallu pillugit aalajangersaasarnernut suliassanillu akuersissuteqartarnermut apeqqutinut tunngasut.

Aallaqqaasiummi qulaani immikkoortumi allaaserinera siunnersummilu aalajangersakkanut ataasiakkaanut nassuaatit ataaniittut innersuunneqarput.

<b>Inatsisisatut siunnersuut inatsimmut maanna atuuttumut sanilliullugu</b>	
	<b>§ 1</b>
	Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq, inatsisartut inatsisaatigut nr. 3, 4. juni 2012-imeersukkut allanngortinneqartoq tunngavigalugu imatut allannguisoqarpoq:
<b>§ 5</b> Naalakkersuisut ilinniakkat nutaat pilersinnissaat akuerissavaat ilinniakkanillu atorunnaarsitsisinnaallutik. <i>Imm. 2.</i> Aammattaaq Naalakkersuisut qitiusumik ilinniarfiit inuutissarsiutinillu ilinniarfiit ilinniartitsinermut pilersaarutaat akuersissutigisassavaat, qitiusumik ilinniarfiit siulersuisusa aamma qitiusumik ataatsimiititaliat inassuteqareernerisigut, aamma qitiusumik ilinniarfinni ilinniakkanik akuersissutit tunuartissinnaavaat, qitiusumik ilinniarfiit siulersuisusa aamma qitiusumik ataatsimiititaliat inassuteqareernerisigut. Taamaattoq Naalakkersuisut qitiusumik ilinniarfiit siulersuisusa imaluunniit qitiusumik ataatsimiititaliat inassuteqarunnarnerat apeqqutaatinngu, ilinniartitsinermut pilersaarummik akuersissut tunuartissinnaavaat, ilinniagaq ilinniartitsinermut pilersaarut naapertorlugu	<b>1. § 5</b> Naalakkersuisut ilinniakkat nutaat pilersinnissaat akuerissavaat ilinniakkanillu atorunnaarsitsisinnaallutik. <i>Imm. 2.</i> Aammattaaq Naalakkersuisut qitiusumik ilinniarfiit inuutissarsiutinillu ilinniarfiit ilinniartitsinermut pilersaarutaat akuersissutigisassavaat, qitiusumik ilinniarfiit siulersuisusa aamma qitiusumik ataatsimiititaliat inassuteqareernerisigut, aamma qitiusumik ilinniarfinni ilinniakkanik akuersissutit tunuartissinnaavaat, qitiusumik ilinniarfiit siulersuisusa aamma qitiusumik ataatsimiititaliat inassuteqareernerisigut. Taamaattoq Naalakkersuisut qitiusumik ilinniarfiit siulersuisusa imaluunniit qitiusumik ataatsimiititaliat inassuteqarunnarnerat apeqqutaatinngu, ilinniartitsinermut pilersaarummik akuersissut tunuartissinnaavaat, ilinniagaq ilinniartitsinermut pilersaarut naapertorlugu

<p>ilinniartitsinermut pilersaarut naapertorlugu ingerlanneqanngippat imaluunniit ilinniakkami atugassarititaasut pingaaruteqartutigut allanngorpata.</p> <p><i>Imm. 3.</i> Ilinniakkat akuerinissaannut piumasaavoq, ilinniartitsinermut pilersaarutit aamma ilinniakkap aaqqissugaanerata allaaserinera naammassisamik suliarineqareerlutik Naalakkersuisunit tiguneqarnissaat.</p> <p><i>Imm. 4.</i> Naalakkersuisut imm. 1 aamma 2- mi pissutsit, tassunga ilanngullugit ilinniartitsisut piginnaasariaqagaat, pillugit malittarisassanik aalajangersaasinnaapput.</p>	<p>ingerlanneqanngippat imaluunniit ilinniakkami atugassarititaasut pingaaruteqartutigut allanngorpata.</p> <p><i>Imm. 3.</i> Ilinniakkat akuerinissaannut piumasaavoq, ilinniartitsinermut pilersaarutit aamma ilinniakkap aaqqissugaanerata allaaserinera naammassisamik suliarineqareerlutik Naalakkersuisunit tiguneqarnissaat.</p> <p><i>Imm. 4.</i> Naalakkersuisut imm. 1 aamma 2- mi pissutsit, tassunga ilanngullugit ilinniartitsisut piginnaasariaqagaat, pillugit malittarisassanik aalajangersaasinnaapput.</p> <p><i>Imm. 5.</i> Inuussutissarsiutilerinermut ilinniarfiit Naalakkersuisut akuersitereernerisigut inuussutissarsiutinik ilinniarnermut atatillugu Akuerisaasumik inuussutissalerinermit sammiveqartumik ilinniartitsinermut aamma tassunga misilitsinnerit ingerlannerannut suliarinnittussarsiuussinnaavaat.</p> <p><i>Imm. 6.</i> Qitiusumik ilinniarfiit inuussutissarsiutinillu ilinniarfiit Naalakkersuisut akuersereernerisigut ilinniakkat ilaat ingerlariaqqiffiusut assingusut Kalaallit Nunaanni ilinniarfinnit neqeroorutaangnitsut neqeroorutigisinnaalissavaat.</p>
<p><i>Imm. 2.</i> Tunngaviusumik inuutissarsiutinik ilinniartitsinermi ilinniartoq suliffeqarfillu lærlingitut imaluunniit ilinniartinneqarnissamik isumaqatigiissummik atsioqatigiissapput. Inuutissarsiutinik ilinniartitsinerni allani sungiusarluni sulinissamik isumaqatigiittooqassaaq, sungiusarluni sulisarnissat ilinniarnermut ilaappata. Sungiusarluni sulineq tamarmi ilaaluunniit atuaatigaluni sungiusarnertut pisinnaavoq, tak. § 10, imm. 4.</p>	<p><b>2. Imm. 2.</b> Tunngaviusumik inuutissarsiutinik ilinniartitsinermi ilinniartoq suliffeqarfillu lærlingitut imaluunniit ilinniartinneqarnissamik isumaqatigiissummik atsioqatigiissapput. Inuutissarsiutinik ilinniartitsinerni allani sungiusarluni sulinissamik isumaqatigiittooqassaaq, sungiusarluni sulisarnissat ilinniarnermut ilaappata. Aaqqissuussisoqarsinnaavoq sungiusarluni sulinerit tamakkerlugit imaluunniit ilaannakortumik ilinniarfimmi ingerlanneqarsinnaapput atuaatigaluni sungiusarnertut, tak. § 10, imm. 4,</p>

	<p>ilinniartoq sungiusarluni suliffimmik allamik, matumanilu illoqarfimmi allami najugarinngisaani, neqeroorfigitikkaluarluni naameersimanngippat.</p>
<p><i>Imm. 2. Tunngaviusumik inuutissarsiutinik ilinniartitsinermi ilinniartoq suliffeqarfillu lærlingitut imaluunniit ilinniartinneqarnissamik isumaqatigiisummik atsioqatigiissapput. Inuutissarsiutinik ilinniartitsinerni allani sungiusarluni sulinissamik isumaqatigiittoqassaaq, sungiusarluni sulisarnissat ilinniarnermut ilaappata. Sungiusarluni sulineq tamarmi ilaaluunniit atuaatigaluni sungiusarnertut pisinnaavoq, tak. § 10, imm. 4.</i></p>	<p><b>3. Imm. 2. Tunngaviusumik inuutissarsiutinik ilinniartitsinermi ilinniartoq suliffeqarfillu lærlingitut imaluunniit ilinniartinneqarnissamik isumaqatigiisummik atsioqatigiissapput. Inuutissarsiutinik ilinniartitsinerni allani sungiusarluni sulinissamik isumaqatigiittoqassaaq, sungiusarluni sulisarnissat ilinniarnermut ilaappata. Aaqqissuussisoqarsinnaavoq sungiusarluni sulinerit tamakkerlugit imaluunniit ilaannakortumik ilinniarfimmi ingerlanneqarsinnaapput atuaatigaluni sungiusarnertut, tak. § 10, imm. 4, ilinniartoq sungiusarluni suliffimmik allamik, matumanilu illoqarfimmi allami najugarinngisaani, neqeroorfigitikkaluarluni naameersimanngippat. Inunnik isumaginninnermi oqartussat tamanna pillugu nalunaaruteqarnerisigut uppernarsarneqartunik ilinniartup pisuussutiginngisaanik ilinniartup sungiusarluni sullivissatut innersuunneqartup sungiusarfigisinnaanngisaanik kinguneqartumik inuttut immikkorluinnaq atugaqartoqarpat tamanna pillugu qinnuteqartoqarneratigut Naalakkersuisut oqaaseqatigiit pingajuanni piumasaqaatinut immikkut akuersisinnaapput.</b></p>
<p><i>Imm. 2. Siulersuisunut ilaasortat qitiusumik ilinniarfiup suliamigut susassaqarfiinut suliffissaqartitsiffinnullu ilinniarfiup naleqquffiinut attuumassuteqassapput. Siulersuisut ataatsimoorlutik ilinniartitsinikkut inerisaaneq, pitsaassutsimik qularnaarineq, aqutsineq, aaqqissugaaneq</i></p>	<p><b>4. Imm. 2. Siulersuisunut ilaasortat qitiusumik ilinniarfiup suliamigut susassaqarfiinut suliffissaqartitsiffinnullu ilinniarfiup naleqquffiinut attuumassuteqassapput. Siulersuisut ataatsimoorlutik ilinniartitsinikkut inerisaaneq, pitsaassutsimik qularnaarineq, aqutsineq, aaqqissugaaneq</b></p>

<p>aninaasaqarnerlu ilisimasaqarfigissavaat, taakkununnga ilanngullugit missingersersuutinik naatsorsuutinillu naliliinerit aamma inuutissarsiutinik ilinniartitsinermi pitsaassutsimik ilisimasaqarneq.</p>	<p>aninaasaqarnerlu ilisimasaqarfigissavaat, taakkununnga ilanngullugit missingersersuutinik naatsorsuutinillu naliliinerit aamma inuutissarsiutinik ilinniartitsinermi pitsaassutsimik ilisimasaqarneq. Siulersuisuni ilaasortat qassiunissaannik sulinermilu kattuffiit kikkut siulersuisut atuuffissaanni aggersumi toqqaasinnaatitaanissaannik kissaatigineqartut pillugit siulersuisut atuuffiisa naanissaa kingusinnerpaamik ukiumik ataatsimik sioqqullugu siulersuisut Naalakkersuisunut ilisimatitsissuteqassapput. Naalakkersuisut siulersuisut ilisimatitsissutaasa tigunerata kingorna piffissap qaammatit pingasut iluanni kissaatigineqartut oqaaseqaateqarfigisinnaavaat. Siulersuisut kissaataat qitiusumik ilinniarfiup malittarisassaasa allanngortinneqarnissaannik pisariaqartitsinermik kinguneqassappata, siulersuisut atuuffiisa naanissaa kingusinnerpaamik qaammatit arfinillit sioqqullugit tamanna pillugu siunnersummik akuerineqartussanngorlugu Naalakkersuisunut nassitsissapput.</p>
<p><b>§ 46.</b> Tunngaviusumik inuutissarsummik ilinniagaq naammassineqassappat piumasaavoq, ilinniartup aamma suliffeqarfiup ataatsip amerlanerilluunniit akornanni lærlingitut imaluunniit ilinniartinneqarnissamik isumaqatigiissuteqartoqarsimanissa. Isumaqatigiissummut ilaassapput ilinniakkami sungiusarluni sulinissat ilinniarfimmietarnissallu tamarmik, tassunga ilanngullugit svendinngussalluni misilitsinnerujunnarnerit.</p> <p><i>Imm.</i> 2. Suliffeqarfiit arlallit isumaqatigiissummut peqataappata, isumaqatigiissummi ersissaaq,</p>	<p><b>5. § 46.</b> Tunngaviusumik inuutissarsummik ilinniagaq naammassineqassappat piumasaavoq, ilinniartup aamma suliffeqarfiup ataatsip amerlanerilluunniit akornanni lærlingitut imaluunniit ilinniartinneqarnissamik isumaqatigiissuteqartoqarsimanissa. <i>Imm.</i> 2. Isumaqatigiissummut ilaassapput ilinniakkami sungiusarluni sulinissat ilinniarfimmietarnissallu tamarmik, tassunga ilanngullugit svendinngussalluni misilitsinnerujunnarnerit. Naalakkersuisut qitiusumik ilinniarfinnit inuussutissarsiutinilluunniit ilinniarfinnit qinnuteqartoqareernerisigut immikkut</p>

<p>ilinniarfimmiinnerit sungiusarlunilu sulinerit suut suliffeqarfiiit ataasiakkaat peqataaffigineraat.</p> <p><i>Imm. 3. Isumaqtigiinnermi suliffeqarfik imminut pisussaaffilersinnaavoq, ilinniartup ilinniarnerata ilaa suliffeqarfimmi allami ingerlatsikkumallugu.</i></p> <p><i>Imm. 4. Inuutissarsiutinik ilinniartitsinerit Naalakkersuisunit akuerisaasut, lærlingitut ilinniartinneqarnissamilluunniit isumaqtigiissuteqarnissamik piumasaqaateqarfiunngitsut aamma atuaatigaluni sungiusarluni sulineq, imm. 1-3-mi ilaatinneqanngillat.</i></p>	<p>akuersissuteqarsinnaapput, ilinniarfik atuarfimmi sulilluni sungiusarnissamut pisariaqartinneqartunik atortoqarpat uppernarsarsinnaallugulu ilinniartup sungiusarluni sulinera atuarfimmi sungiusarluni sulinermigut naammassisinnaagaa. Ilinniartut atuarfimmiittarluni ilinniarnissamik isumaqtigiissuteqanngitsut, matumani atuarfinni sungiusarlutik sulinissaq aamma eqqarsaatigalugu, suliffeqarfimmit akissarsiaqanngitsutut tunngaviusumik inuussutissarsiummik ilinniartutut isigineqassapput.</p> <p><i>Imm. 3. Suliffeqarfiiit arlallit isumaqtigiisummut peqataappata, isumaqtigiisummi ersissaaq, ilinniarfimmiinnerit sungiusarlunilu sulinerit suut suliffeqarfiiit ataasiakkaat peqataaffigineraat.</i></p> <p><i>Imm. 4. Isumaqtigiinnermi suliffeqarfik imminut pisussaaffilersinnaavoq, ilinniartup ilinniarnerata ilaa suliffeqarfimmi allami imaluunniit atuarfimmi sungiusarluni sulineq ingerlatsikkumallugu.</i></p> <p><i>Imm. 5. Inuutissarsiutinik ilinniartitsinerit Naalakkersuisunit akuerisaasut, lærlingitut ilinniartinneqarnissamilluunniit isumaqtigiissuteqarnissamik piumasaqaateqarfiunngitsut aamma atuaatigaluni sungiusarluni sulineq, imm. 1-3-mi ilaatinneqanngillat.</i></p>
<p><b>§ 61. Aningaasanut inatsimmi</b> aningaasaliissutissatut aalajangiunneqartut iluanni, inuutissarsiutinik ilinniartitsinermut tunngasutigut pikkorissaanerni, sulisartunut ilinniagaqanngitsunut ilinniagaqarsimasunullu saaffiginnittuni, suliffissaaleqisut ilanngullugit, angalanernut najugaqarnernullu aningaasartuutinut tapiissuteqartoqarsinnaavoq. Peqataasut</p>	<p><b>6. § 61, imm. 1 imaattunik</b> oqaasertaqassaaq: "Aningaasanut inatsimmi aningaasaliissutissatut aalajangiunneqartut iluanni, inuutissarsiutinik ilinniartitsinermut tunngasutigut pikkorissaanerni, sulisartunut ilinniagaqanngitsunut ilinniagaqarsimasunullu saaffiginnittuni, suliffissaaleqisut ilanngullugit, angalanernut</p>

annerpaamik inuutissarsutinik ilinniartitsinermut tunngasut iluanni sivikinnerusumik ingerlaqqiffiusumik ilinniagaqassapput."	najugaqarnernullu aningaasartutinut tapiissuteqartoqarsinnaavoq."
	<p style="text-align: center;"><b>§ 2</b></p> <p>Inatsisartut inatsisaat aggustip aallaqqaataani 2016-imi atuutilissaaq.</p> <p><i>Imm. 2.</i> Oqaatsinik Pikkorissarfik pillugu Inatsisartut inatsisaat nr. 14, 6. November 1997-imeersoq tassunga peqatigitillugu atorunnaarsinneqarpoq.</p> <p><i>Imm. 3.</i> Siulersuisut inatsisip atuutilernerata nalaani siulersuisuujunnaarnissaminntuk ukiumik ataatsimik sivikinnermik sioqqutsillutik § 1, nr. 4-imi eqqaaneqartutut piaarnerpaaq atorlugu inassuteqaatiminnik tunniussissapput.</p>

### **3. Pisortanut aningaasatigut allaffissornikkullu kingunerisassat**

Siunnersuut ilimagineqarpoq inuussutissarsutinik ilinniartut uniinnartartut ikilinerannik kinguneqassasoq, tunngaviusut naapertorlugit qassiorpiartarnerannik kisitsisitalersinnaangikkaluarlugit. Kiisalu siunnersuut ilimagineqarpoq inuussutissarsutinik ilinniartitaaneq tamaat isigalugu pisariillisaataassasoq. Taakkua taaneqartut saniatigut nalilerneqarpoq siunnersuut aningaasaqarnikkut allaffissornikkullu pisortanut allanik kinguneqassanngitsoq.

### **4. Inuussutissarsiortunut aningaasaqarnikkut allaffissornikkullu kingunerisassat**

Suliffeqarfiiit ilaasa qitiusumik ilinniarfiiit inuussutissarsutinilluunniit ilinniarfiiit lærlinginik ajornannginnerusumik sulisitsilernissaminnt suliffeqarfimmi sungiusarluni sulinerup ilaani atuarfimmi sungiusarluni sulisinnaanissaannik qulakkeerinnissutaasumik siunnersuut pisariillisaataasinnaassasoq naatsorsuutigineqarpoq.

### **5. Avatangiisinut, pinngortitamut innuttaasullu peqqissusaannut kinguneri**

Inatsisisattut siunnersuut avatangiisinut pinngortitamullu kinguneqassangilaq.

### **6. Innuttaasunut kinguneri**

Siunnersuutip kingunerissavaa Akuerisaasumik inuussutissalerinermik sammiveqartumik ilinniarnermik tassungalu misilitsinnerit inuussutissarsutinik ilinniarnernut atatillugu atuarfiiit neqeroorutigisinnalissammatigit. Atuartut fagini ataasiakkaani peqataasarnerminni pikkorissarneqassapput, taamaallillutillu ilinniarnerminnik naammassinninnissaminnt tunngavissaqarluarnerulissallutik ilinniaqqinnissaminnullu piareersimanerulissallutik. Tassa imappaq, atuartoq inuussutissarsutinik ilinniarfiiit piumasaqataannik

naammassinninnissaminut sakkussaqnarnerulissaq, taamaattumillu naatsorsuutigineqarpoq ilinniarnerup naammassinissaanut periarfissagissaarnerulissalluni.

Lærlingit ajornannginnerusumik suliffeqarfimmi sungiusarluni sulinerup ilaani atuarfimmi sungiusarluni sulisinnaanissaannut siunnersuut pisariillisaataasinaassasoq aamma naatsorsuutigineqarpoq. Aamma oqaatigineqassaaq lærlingit atuarfinni sungiusarlutik sulilinnginneranni sungiusarluni suliffissamik innersuunneqarunik akuersisussaatitaanerat periaatsimik atorneqartumik erseqqissaanerummat.

## **7. Pingaarutilittut kinguneqaataasinjaasut allat**

Inatsisisstatut siunnersuut Naalagaaffeqatigiinnermut imaluunniit namminersorluni oqartussaanerup ingerlanneqarneranut tunngatillugu kinguneqartitsinngilaq.

## **8. Oqartussaasut kattuffiillu tusarniaaffigineqarnerat**

Siunnersuut piffissami 4. december 2015-imit 8. januar 2016-imut ukununnga tusarniaassutigineqarpoq:

Naalakkersuisut Siulittaasuata Naalakkersuisoqarfia

Aningaasaqarnermut Naalakkersuisoqarfik

Ineqarnermut, Sanaartornermut Attaveqarnermullu Naalakkersuisoqarfik

Pinngortitamut, Avatangiisiniut Inatsisinillu Atuutsitsinermut Naalakkersuisoqarfik

Peqqissutsimut Naalakkersuisoqarfik

Aalisarnermut, Piniarnermut Nunalerinermullu Naalakkersuisoqarfik

Inuuussutissarsiornermut, Suliffeqarnermut Niuernermullu Naalakkersuisoqarfik

Ilaqtariinnermut, Naligiissitaanermut Isumaginninnermullu Naalakkersuisoqarfik

Aatsitassanut Ikummatissanullu Naalakkersuisoqarfik

Sulisitsisut (GE)

SIK

KANUKOKA

NUSUKA

IMAK

AK

ASG

Ilisimatusarfik

Avannaani Ilinniarneruntuunngorniarfik/Nordgrønlands Gymnasium

Qeqqani Ilinniarneruntuungorniarfik/Midtgrønlands Gymnasium

Campus Kujalleq

Kalaallit Nunaanni Teknikimik Ilinniarfik (KTI)

INUILI

Imarsiornermik Ilinniarfik

NI-Nuuk

Peqqissaanermik Ilinniarfik

Perorsaanermik Ilinniarfik

Savaatilinngorniat Ilinniarfiat/Fåreholderskolen  
Aalisarnermik Piniarnermillu Ilinniarfik  
Eqqumiitsuliornermik Ilinniarfik  
Aarhus-imi Kalaallit Illuat  
Odense-mi Kalaallit Illuat  
Aalborg-imi Kalaallit Illuat  
København-imi Kalaallit Illuat  
Kommuneqarfik Sermersooq.  
Kommune Kujalleq  
Qeqqata Kommunia  
Avalak  
Kisaq  
KIK  
Siunnersuisartunik Ilinniarfik

Tusarniaanermut killissarititap naanerani makkunannga akissuteqaatit tiguneqarput:  
ASG, GUX Aasiaat, Pinngortitamut, Avatangiisirut Inatsisinillu Atuutsitsinermut  
Naalakkersuisoqarfik, Ilaqtariinnermut, Naligiissitaanermut Isumaginninnermullu  
Naalakkersuisoqarfik, Qaasuitsup Kommunia, taakkulu siunnersummut  
oqaaseqaatissaqanngillat.

Aammattaaq tusarniaanermi akissutinik ukuninnga tigusisoqarpoq MIO, Kommuneqarfik  
Sermersooq, SIK, Sulisitsisut, AK, Ilisimatusarfik, aamma Kommune Kujalleq, taakkulu  
tusarniaanermut tapersiissutaat tusarniaanermi akissutit pillugit allakkiami allaaserineqarput.

Sulisitsisunit tusarniaanermi akissut tunngavigalugu siulersuisussanik toqqaaniarnermut  
Naalakkersuisut akiliussinnaanerannut periarfissaq pillugu siunnersummi aalajangersagaq  
allaqqasoq peerneqarpoq. Tamassuma kinguneraa siulersuisunik toqqaanermi qitiusumik  
ilinniarfiit malittarisassaannik killilorsorneqarnera ingerlaannassasoq. Aalajangersagassatut  
siunnersuutigineqartoq maannakkut imatut oqaasertalerneqarpoq, Siulersuisuni ilaasortat  
qassiunissaannik sulinermilu kattuffiit kikkut siulersuisut atuuffissaanni aggersumi  
toqqaasinnaatitaanissaannik kissaatigineqartut pillugit siulersuisut atuuffiisa naanissaa  
kingusinnerpaamik ukiumik ataatsimik sioqquillugu siulersuisut Naalakkersuisunut  
ilisimatitsissuteqassasut. Naalakkersuisut tamatuma kingorna tamanna  
oqaaseqaateqarfigisinnaavaat. Aalajangersagaq kinguneqarpoq siulersuisut atuuffiisa  
naatinngagu piffissaqartitsitsilluarlutik siulersuisut piffissaq atuuffisaat aggersoq pillugu  
isumaliluteqassasut.

Aalajangersakkap allannguutivia taamalilluni tassaavoq, siulersuisut atuuffiisa marluk  
sukkanerusumik ajornannginnerusumillu pinissaa siunertaralugu siulersuisut piffissaq  
atuuffissaasa aggersup aaqqinnejarnissaata siuartinneqarnera. Taamaalilluni malittarisassat  
allanngortinneqarnissaat pillugu inassuteqarneq nassiunneqartinnagu siulersuisunik  
aaqqiissaq pillugu siusinnerusukkut isumaliuiteqarnissaq oqaloqatigiinnissarlu  
periarfissinneqarnerussaaq.

Taamaalilluni ilinniarfiit malittarisassaat suliarineqarnikoq atorlugu qitiusumik ilinniarfiit ataasiakkaat siulersuisunik toqqaasarnermik aaqqiisarnerat ingerlaannassaaq.  
Aalajangersakkami tatiginninnej suliassat suliarineqartarneranni annertunerusumik kiffaanngissuseqarluni akisussaaffeqarlunilu qitiusumik ilinniarfiit namminneq aqutsinissaat pillugu inatsimmi atuuttumi pingaarnertutd tungavittut ilisarnaataasoq malinneqarpoq.

Tamassuma saniatigut Inatsisartut Allattoqarfianni Inatsisinik Teknikkikkut Suliaqartarfiup tamanna pillugu oqaaseqaataa malillugu ilinniartut sungiusaammik suliffissamik itigartitsisut atuarfimmi sulinermik sungiusarnissamik neqeroorfingineqannginnissaat pillugu malittarisassamat immikkut akuersisinnaaneq ilanngunneqarpoq.

Tusarniaaneq eqqarsaatigalugu tusarniaanermi akissutit pillugit allakkiaq ilanngunneqartoq innersuussutigineqarpoq, tassani tusarniaanermut tapiissutit allaaserineqarput.

## **Inatsisissamut siunnersummi aalajangersakkanut ataasiakkaanut nassuaatit**

### *§ 1-imut*

#### Nr. 1-imut

Aalajangersakkut pisinnaalerpoq Akuerisaasumik inuussutissalerinermik sammiveqartumik ilinniartitsinermut tassungalu misilitsinnernut aallarnisaataasumik fagimik qitiusumik inuussutissarsiutinilluunniit ilinniarfiit inuussutissarsiutinik ilinniarnermut atatillugu ingerlatsisinhaanerat. Taamaalilluni Akuerisaasumik inuussutissalerinermik sammiveqartumik ilinniartitsinermik neqerooruteqartoqarsinnaaneq pineqanngilaq. Inunnut inuussutissarsiutinik ilinniarfinnut tigusaasimasunut sammitinneqartumik inuussutissarsiutinik ilinniarnermut ilaatillugu ilinniartitsineq aaqqissuunneqassaaq.

Aalajangersagaq inunnut inuussutissarsiutinik ilinniarnissaminnt piumasaqaatinik naammassinnissimanngitsunut sammitinneqarneruvoq, tassami assersuutigalugu meeqqat atuarfiannik naammassinnissimanatillu AEU-mik ingerlataqarsimannanginnamik.

Aalajangersakkami imm. 2-mi ilinniakkanut ingerlariaqqiffiusunut tunngatillugu piumasaqaataavoq ilinniagaassasoq ingerlariaqqiffiusoq imarisamigut nunatsinni ilinniarfinnit allanit neqeroorutaanngitsoq. Tamanna isumaqarpoq ilinniartitsinissamat unammilleqatigiinnermik aallartitsinissamat aalajangersagaq atorneqarsinnaanngitsoq.

#### Nr. 2-mut

Aalajangersakkami siunertarineqarpooq erseqqissassallugu atuarfinni sulilluni sungiusarnerit siullertut toqqagassaanngimmata taamaalillunilu inuussutissarsiutinik ilinniarnermi ilaatigut suliffeqarfimmi sungiusarluni sulineq tunulequtaralugu naammassineqarsinnaaneranik pingaarnertut malittarisassamik tunngaviatigut malinninnginnerulluni. Aalajangersakkami aamma allaqqavoq ilinniartoq inunnut allattorsimaffiata avataaniittumut sungiusarluni suliffissaanik innersuunneqaraluarluni akuersinngitsoq atuarfimmi sungiusarluni sulinissaanik neqeroorfigineqarsinnaanngitsoq.

#### Nr. 3-mut

Aalajangersagaq kinguneqarpooq ilinniartut sungiusaammik suliffissatut neqeroorutigineqartumik akuersinngitsut, tassunga ilanngullugu illoqarfimmi allami, atuarfimmi sungiusaammik sulinissamik neqeroorfigineqannginnissaat pillugu immikkorluinnaq pissutsit atuutsillugit malittarisassamit pingaernermit immikkut akuersissuteqartoqarsinnasoq. Assersuutigalugu tassaasinnaavooq angajoqqaq kisimmaaq, sungisaammik sulinerup sivisussia pissutigalugu meeqqap nooqataasup illoqarfimmi pineqartumi inissaqannginneranik upternarsaasoq. Aalajangersakkami allaqqavoq immikkut akuersinssamut piumasaqaataasoq inuttut atukkat pissutigalugit ilinniartup sungiusaammik suliffissatut innersuunneqartumik akuersisinnaannginnera inunnik isumaginninnermi oqartussat nalunaaruteqassasut.

#### Nr. 4-mut

Aalajangersaq inatsimmi atuuttumi § 35, imm. 7-imut ilassutaavoq, tassani allaqavoq siulersuinik toqqaaneq qitiusumik ilinniarfiit malittarisassaannit killilersorneqartoq. Kattuffiit qitiusumik ilinniarfiit suliaqarfinnut ilinniartitsivigaannut suli attuumassutilit toqqaannartumik siulersuisunut ilaasortanik ataasiakkaanik toqqaasassapput. Allannguutaa tassaavoq siulersuisuni ilaasortat qassiussanerssut sulinermilu kattuffiit kikkut siulersuisut atuuffissaanni aggersumi ilaasortanik toqqaassanersut siulersuisuujunnaartussat Naalakkersuisunut ilisimatitsissummik nassitsissasut.

Inatsimmi atuuttumi § 35, imm. 7 naapertorlugu qitiusumik ilinniarfiit ataasiakkaat malittarisassaannik Naalakkersuisut akuersigaangamik kattuffiit suliassaqarfinnut ilinniartitsinermut attuumassuteqarnersut Naalakkersuisut tassunga peqatigitillugu nakkutigissavaat.

Periuseq tassaassaaq siulersuisut issiasut siulersuisuujunnaannginnerminni ukioq ataaseq sioqqullugu kattuffiit sorliit siulersuisuuffimmi tullermi siulersuisunut ilaasortassanik toqqaasussanersut taakkulu qassiussanersut Naalakkersuisunut ilisimatitsissuteqassasut. Naalakkersuisut tamatuma kingorna siulersuisuujunnaalersut kissaataat oqaaseqaateqarfigisinnaavaat.

“Kissaatigineqartut” aalajangersakkami oqaaseqatigiit aappaanni atorneqartumi pissutsit aalajangersakkamik inaarutaasumik killilersorneqartut pineqarpuit, tak. inatsimmit atuuttumi §

35, imm. 7. Siulersuisut qassit ilaasortaanissaannik inaarutaasumik aalajangiineq kiisalu kattuffiit toqqaasinnaatitaanersut taamaalilluni malittarisassani killilorsorneqarnerat ingerlaannassaaq.

Aalajangersakkap allannguutivia taamalilluni tassaavoq, siulersuisut atuuffiisa marluk sukkannerusumik ajornannginnerusumillu pinissaa siunertalarugu siulersuisut piffissaq atuuffissaasa aggersup aaqqinnejarnissaata siuartinneqarnera. Taamaalilluni malittarisassat allanngortinnejarnissaat pillugu inassuteqarneq nassiunneqartinnagu siulersuisunik aaqqiissaq pillugu siusinnerusukkut isumaliuuteqarnissaq oqaloqatigiinnissarlu periarfissinneqarnerussaaq.

Nr. 5-imut

Aalajangersakkami allaqqavoq aalajangersakkami atuuttumi imm. 1 immikkoortunut 1-imut 2-mullu avinneqartoq.

Imm. 1-imi ingerlatitseqqinneruvoq malittarisassamik tunngaviusumik, tassalu inuussutissarsiutinik ilinniarnerit lærlinginut isumaqatigiissuteqarnissamik imaluunniit ilinniarnermut isumaqatigiissuteqarnissamut piumasaqaatit. Kiisalu lærlinginut isumaqatigiissutit imaluunniit ilinniarnissamut isumaqatigiissutit pingaarnertut sunik imaqassanersut pillugit piumasaqaatit imm. 2-mi nutaajusumi oqaaseqatigiinnut siullernut immikkoortinnejarpooq.

Nr. 5-ikkut inatsimmi atuuttumi § 46-mi allanngortinnejarpooq imm. 2-mi oqaaseqatigiinnik aappaannik nutaanik ikkussinikkut, tassani pineqarluni tunngaviusumik inuutissarsiummik ilinniagaq naammassineqassappat piumasaavoq, ilinniartup aamma suliffeqarfip ataatsip amerlanerilluunniit akornanni lærlingitut imaluunniit ilinniartinnejarnissamik isumaqatigiissuteqartoqarsimanissa, isumaqatigiissummut ilaassapput ilinniakkami sungiusarluni sulinissat ilinniarfimmittarnissallu tamarmik, tassunga ilanngullugit svendinngussalluni misilitsinnerujunnarnerit.

Aalajangersakkakut piumasarineqarpooq qitiusumik ilinniarfiit imaluunniit inuussutissarsiutinik ilinniarfiit ilaatinnejarnissaat, tassami immikkut akuersissuteqartoqassappat qitiusumik ilinniarfinnit imaluunniit inuussutissarsiutinik ilinniarfinnit qinnuteqaatit tunngavigalugit taamaallaat nalunaarutigineqarsinnaammat. Tassunga atatillugu pingaaruteqarluinnarpoq atuarfiup qularnaatsumik uppernarsarsinnaassagaa assersuutigalugu atuarfiup initai, sakkut il.il. innersuunnerisigut, taamaalilluni qularnaarlugu ilinniartup sungiusarluni sulinermi amigaataa atuarfimm Sungiusarluni sulilluni ingerlassinnaagaa. Aalajangersakkakut aamma ilanngunneqarpooq Sungiusarluni sulinerup ilaa sulisitsisumi suliffeqarfimm Sungiusarluni sulinertut ingerlannejassasoq.

Kiisalu aalajangersakkami imm. 2-mi oqaaseqatigiinnik nutaannik naggaserneqarpoq, tassani taamaallaat siunertaalluni ilinniagaqarnersiuteqartarneq pillugu malittarisassat malillugit ilinniagaqarnermusiaqarsinnaanermut ilinniartunut ilinniarnermut isumaqatigiissusiorsimanngitsunut tunngasunik apeqqutinik qularnaarinissaq.

#### Nr. 6-imut

Aalajangersagaq isumaqarpoq pikkorissarnernut tapiissutinik tunniussisoqassatillugu aalajangiisuusartoq siunissami pikkorissarneq inuussutissarsiuutinik ilinniarnermik imaqarnersoq apeqqutaalissammat. Aalajangersakkamut atuuttumut tunngatillugu ilinniakkap qaffasissusaanut tunngatillugu killiliineq kiisalu inuutissarsiuutinik ilinniartitsinermut tunngasutigut pikkorissaanerni, sulisartunut ilinniagaqanngitsunut ilinniagaqarsimasunullu taamaallaat saaffiginnittunut piumasaqaatit atorunnaarpot. Tamanna peqquteqarpoq piumasaqaatit taakku pisariaqannginnamik, ersippat pikkorissarnernut inuussutissarsiuutinut tunngasunuinnaq tapiissuteqartoqarsinnaasoq.

#### § 2-mut

Aalajangersakkami siunnersuutip piffissaq atuutilerfissaa nalunaarutigineqarpoq.

Imm. 2-mi pineqarpoq Oqaatsinik Pikkorissarfik pillugu Inatsisartut inatsisaata atorunnaarsinnera. Soorlu oqaaseqaatini nalinginnaasuni allaqqasoq tamassumunnga pissutaavoq Oqaatsinik Pikkorissarfipu maannakkut taamaallaat pikkorissartfiulernerera qitiutsumik allaffissuuq ataaniittoq, tamannalumi inatsimmi aamma ersippoq. Tamassuma kinguneraa Oqaatsinik Pikkorissarfipu atorfefqarfittut inissimanerata suliassanillu suliariinnittarnerata tamakku pillugit immikkut inatsiseqarnissaata tunngavissaqannginnera. Oqaatsinik Pikkorissarfimmi ingerlatani atugassarititat taamaalillutik Naalakkersuisunit siunissami aalajangersarneqarsarneqassapput, tamannalu anguniakkat najoqquassallu kiisalu ingerlatsinermut pilersaarutinik akuersisarneq pillugit apeqqummi aamma atuuppoq.

Aalajangersakkap imm. 3-ani pineqarpoq siulersuisut inatsisip atuutilernerani suliffissaat ukioq ataaseq inorlugu pissuit.